

後村先生大全集

一

後村先生
大全集

四部叢刊初編集部

上海商務印書館
縮印賜硯堂鈔本

後村先生大全集序

後村先生以文章名當世初集本未刊時四方之士
隨所得爭傳錄之而見者恨未廣也予戊申備數守
莆方得前集刊之郡庠于時紙價倍常及後村兩自
京還石塘小孤山二友始求公近稿

二十

年共成後續新三集今此書傳流遍江左矣後村

任送終之責各盡其心李子季高既成負

土之役又為一部而彙聚之名以大

全共二百本其本差小將謂也將成

先以寄余余曰太白沒伯禽尚幼遂以文稿

陽冰樂天因佳兒蚤夭自以文集錄為三本今

寄聖善南寺諸上人珍愛其文如此而不

能育子以傳之死生之際遺憾蓋可知也今先生之

文既行於世而季高又拳拳及此先生之無遺憾謫

仙醉吟所不及多矣季高名甫先生第三子也咸

滿六年歲庚午秋九月菊日竹溪林希逸書

後村先生大全集序

六一翁嘗言讀班固藝文志唐四庫書目見著書之
士不可勝數而百不一二存母異草木榮華之飄風
為歎好音之過耳瞬息銷磨古今同恨韓退之有言
冀為之後雖美而不傳其故實在於斯至若以文名
世者家有賢子孫能繼祖父書香昭著於不墜則
其文久而彌彰流傳不朽矣吾家季高自少時即妙
言語人以小東坡目之暨長學益進文益工聲名益
盛樂與坡並稱季高父後村公以文章名天下有前
集刊于莆既而後續新三集復刊于玉融四方

板為書坊翻刻而卷帙訛繁非巾箱之便季高

姪乃以人便於收覽會閱間有受後村

之知者或告以所刊略公移令郡縣索

板而毀予聞而語鄉牧石礪陳侯宜且

學職審訂果略則益之訛則改正之脫毀之則恐流

傳稍類毀坡集之公案人未易家晚也陳侯曰

然於是不果毀而上其板于閭以故中輟或謂季高

曰近代省齋誠齋集皆其子曰綸曰長孺與士友編

定鈔本於家故迄今皆善本而陸務觀渭南集亦其

幼子適刊于溧陽學官為父刊文集非不應為者宜

不在併案之科子何疑焉至是始成郡快遂志所云
于竹溪序引之後以解識者之感若夫典麗清新腴
賸簡古之褒則有先朝之宸奎在屋下人何容贊一
辭李高名山甫咸瀉士申中春姚術劉希仁書

後村先生大全集總目

卷一至卷四十八

詩

卷四十九

賦

卷五十

油幕箋奏

卷五十一至卷五十二

奏議

卷五十三至卷五十九

內制

卷六十至卷七十五

外制

卷七十六至卷七十八

奏申狀

卷七十九

廣鹽江臬二司申奏狀

卷八十至卷八十一

掖垣繳駁

卷八十二至卷八十三

玉牒初草

卷八十四至卷八十五

商書講義 論語講義 周禮講義

卷八十六至卷八十七

進故事

卷八十八至卷九十三

記

卷九十四至卷九十八

序

卷九十九至卷一百一十

題跋

卷一百一十二

字說雜記附

卷一百一十三至卷一百一十五

表牋

卷一百一十六至卷一百二十四

啓

卷一百二十五至卷一百二十六

雜啓

卷一百二十七

上梁文樂語 四友陰授制附

卷一百二十八至卷一百三十四

書

卷一百三十五

祝文

卷一百三十六至卷一百四十

祭文

卷一百四十一至卷一百四十七

神道碑

卷一百四十八至一百六十五

墓誌銘

卷一百六十六至卷一百七十

行狀

卷一百七十一

疏

卷一百七十二

青辭

卷一百七十三至一百八十六

詩話

卷一百八十七至卷一百九十一

長短句

卷一百九十二至卷一百九十三

書判

卷一百九十四

行述

卷一百九十五

墓誌銘

卷一百九十六

謚議

後村先生大全集卷之一

詩

公少作幾千首嘉定己卯自江上奉祠歸發故篋盡焚之僅存百首是為南嶽舊集

郭璞墓

先生精數學卜穴未應疎因將虎鬚死還尋魚腹居如何師鬼谷却去友靈胥此理憑誰詰人方寶葬書

魏太武廟

荒涼瓜步市尚有佛狸祠俚俗傳來久行人信復疑亂鴉爭祭處萬馬飲江時意氣今安在城茄暮更悲

徐孺子墓

今晚安墳意梅仙舊廨傍醺成龍不至羅設鳳高翔靈銅入俱燼先生骨尚香小詩拈未出何以侑椒漿

北來人二首

試說東都事添人白髮多疲園殘石馬廢殿泣銅駝胡運占難久遭情聽易訛淒涼舊京女妝髻尚宣和十口同離化今成獨雁飛飢鉏荒寺菜貧著陋蕃衣甲第歌鍾沸沙塲探騎稀老身閨地死不見翠鑾歸

北山作

骨法枯閑甚惟堪作隱君山行忘路脉野生認天文字瘦偏題石詩寒半說雲近來仍喜贖閒事不曾聞

早行

店姬明燈送前村認未真山頭雲似雪陌上樹如人漸覺高星少繞分遠燒新何須看候子來往暗知津

黃栗山

出縣半程遙松間認粉標峯排神女岐寺創德宗朝鶴老巢高木僧寒矐隨樵早知人世淡來住退居寮

第三龍湫

絕頂謁龍公森寒石作宮路盤青壁上瀑瀉白雲中僧說聞雷出人疑與海通幾時陰晦夜來此看擎空

客中作

漂泊何須遠離鄉即旅人炊新嘗海品書刺謁田鄰家寄寒衣少山來曉夢頻小兒仍病瘧詩句竟無神

小寺

小寺無蹊徑行時認鮮痕犬寒鳴豹似僧老瘦於猿澗水來旋磨山童出閉門城中梅未見已有數株繁

晚春

花事匆匆了人家割麥初雨多田有鵲朝小市無魚鳧筆回僧蒲衲衣看古書經年稀見客磬折轉生疎

哭葉孝錫教授

瘴雲深處死大鳥奈君何詩友俱來吊埋名久未磨箕裘無子繼書畫落人多舊宅今移主斜陽掩涕過

夜過瑞香庵

夜深捫絕頂童子旋開扉問客來何暮云僧去未歸
山空聞瀑瀉林黑見螢飛此境唯予愛他人到想稀

送薛明府

長官三載內屢被督郵嗔靜鎮管刑少公清縣庫貧減
租霑野老掃榻待詩人祇恐覓飛後民閒事事新

蒜嶺

到此思家切寒衣半淚痕燒餘山頂禿潮至海波渾
僕怕昏無店人閒近有村吾生輸野老笑語掩柴門

示觀老

住山仍黑瘦瓶錫極蕭然頂髮千莖雪跣趺一雙烟
禪堪拈出衆詩亦長於前燒盡西窓燭相看各不眠

武步道中

一路荒涼極無端過此頻官於鹽起稅俗事盡為神
暝色初逢驛溪聲只隔林留題空滿壁不見有詩人

浦城道中

纔入僊霞路重裘尚不支居人收柶資客子辦梅詩
地濕然箕坐霜寒隔被知而來真錯計不買草堂基

幽居詩

相傳有儒者唐季隱茲峰電已收遺葉雲方鎖暮鐘

木碑無世次石洞斷人蹤此士何曾死林深不可逢

天目寺

來人云虎出留此到昏鐘寺小於諸刹山高似衆峰
未寒先得雪已夏尚如冬老子曾游浙微微有辯鋒

哭容仲舅氏二首

老赴容州辟移書勸不回客迎蕭寺哭喪附海舟來
瘴雨銘旌暗空山梵磬哀未知墳上柏此去幾時栽
尚記陪言笑如今叫不應兒分身後俸僧上殯中燈
宅有遺墓在田無一畝增問天何至此在日以廉稱

吳大帝廟

露坐空山裏英靈喚不迴久無祠祭至曾作帝王來
壞壁蟲傷畫殘爐鼠印灰今人渾忘却江左是誰開

鐵塔寺

細認苔間字方知鑄塔時不因兵廢壞似有物扶持
古殿人閒少深窓日上遊僧言明受事相對各橫眉

聽老

聽老才堪將髮編意未平僧中能結客禪外又談兵
喜聽詩家話多知虜地情何當長鬚髮遺戍國西營

哭薛子舒二首

醫自金壇至猶言疾可為瀕危人未信聞死世皆疑

友共收殘葉妻能讀殯儀借來書冊子掩淚付孤兒
忍死教唐墨留書訣父兄讀來堪下淚寄去怕傷情
墓要師爲誌詩於世有名夜闌秋枕上猶夢共山行

贈川郭

川郭顛狂甚平生技術游老猶攜侍女貧不誦公侯
用藥多投病酬錢或掉頭金陵官酒貴應典舊貂裘

贈錢道人

除了布裘外都無物自隨跣能行大雪飢但燃華池
說相言多驗鍊錢事更奇一般難曉處裝背貴人詩

張麗華墓

臺上柏蕭蕭空堂閑寂寥芳魂三尺土姓事幾回潮
墮翠尋難見埋紅恨未銷猶勝江令在白首入隋朝

送鄒景仁

衝寒何處去新成尚來年客勸休辭悞君言已買船
霜清江有蜉蝣脫木無蟬若過東林寺携家往問禪

二將石侯韓存

二將同時死路人聞亦哀力窮塵轉急圓厚突難開
戰骨尋應在殘兵間有迴傷心郵遞裏隔日提書來

陳虛一

幾戴說山耕忽提孤劍行戰場中有骨尺籍上無名

馬自尋歸路身空試賊營却疑兵解去曾說鍊丹成

揚州作

幾多精甲沒黃沙野哭遙憐戰士家瓜渡月明空粉
堞蕪城烟斷只昏鴉似聞漢使放王醺尚喜胡兒割
帝靶惆悵兩淮蠶織地春風不復長桑芽

南浦亭寄所思

只是從前瘦病身官卑活計太清貧買來晉帖多成
賸吟得唐詩轉逼真生擬棄家尋劍客死當移冢近
騷人秋風爛漫吹雙鬢目送停雲欲愴神

蒜嶺夜行

嶺頭無復一人來漁火收燈戶不開松氣滿山涼似
雨海聲中夜近如雷擬被醉髮橫簫去只寄鄉書與
劍迴他日有人傳肘後尚堪收拾作詩材

別教器之

舊說閩人苦節稀先生獨抱歲寒姿老年絳帳聊開
講當日烏臺要勸詩東閣不游緣有氣草堂未架爲
無賢輕烟小雪孤山路折賸梅花寄一枝

哭楊吏部通老

白首除郎已晚哉民間桑柘手親栽蓋棺只着深衣
去行李空擔語錄迎主祭遺孤猶未冠著書殘葉漫

成堆可憐薄命飄蓬客虛事江西幕府來

老款

肘後奇書懶更開只今年鬢已相催但聞方士騰空
去不見童男入海迴無藥能留炎帝在有人曾哭老
神來醉鄉一路差堪向終擬劉伶冢畔埋

答友生

讀易參禪事事奇高情已恨挂冠遲清於楚客滋蘭
日貧似唐人乞米時家為買琴添舊債厨因養鶴減
晨炊君看江表英雄傳何似孤山一卷詩

趙清獻墓

南渡先賢迹已稀蕭然華表立山陲可曾長吏修祠
宇便恐樵人落樹枝幾度過墳偏下馬向來出蜀只
攜甕自憐日暮天寒客不到林間讀隱碑

烏石山

客子家山亦此峰可堪投宿聽疎鐘旋沽村酒聞霜
柿欲訪禪扉隔暮松鄉信寫成無便寄寒衣著縱倩
人縫遠來只為營瓜圃不是貪渠萬戶封

除夕

憶昔都城值歲除高樓張燭戲呼盧久依淨社參尊
宿難向新豐認酒徒天子未知工草賦鄰人或倩寫

桃符夜寒別有窮生活點勘離騷擁地爐

呈袁秘監

近日頻聞有峻除人傳君相重儒師細旃生穩方輪
講聲玉峰高未要扶別後曾過東閣否新來亦乞鑑
湖無幾時供帳都門外真寫先生作畫圖

漁梁

春泥滑滑雨絲絲一路陰寒少霽時水入陂渠喧似
瀑雲從山崦上如炊燎衣去傍田家火炙燭來看野
店詩落盡梅花心事惡獨搔蓬鬢遠殘枝

小村人家

生來拙性嗜清幽獨過山家為小留頂笠兒歸行樹
杪提瓶婦去汲溪頭參天老竹當門碧盡日寒泉遠
舍流我料草堂猶未架規模已被野人偷

送杜秋還僧

頭白高僧行脚懶一枝筇竹久生苔不逢太乙燃藜
照時借山翁荷蓀迎夜挂多尋蕭寺壁曉拈恐化葛
政雷還師此物禪須進曾入詩人手內來

雪峰寺

七里深林集暮鴉插空金碧被林遮華堂何止容千
衲菜地猶堪置萬家虎去有靈知伏轡僧來教舊約

分茶世人要識千峰冷六月重綿坐結跏

蓋竹廟

借榻叢祠日已曛
瓣香頻此謁靈君
僕來夢事休重卜
向去詩才進幾分明
主不須人諫獵故山空
使客移文寄書報與荆妻說
十襲荷衣莫要焚

瓜州城

先朝築此要防邊
不遑胡兒見戰船
遮斷難傳河朔檄
修來大費水衡錢
書生空抱鳴難志
故老能言飲馬年
慙愧戎兵身手健
箇樓各占一間眠

送仲白

官舍蕭條筆蓋簷
拾薪獨有一長髯
同來杜友因飢瘦
遠作參軍得俸廉
國士交情窮乃見
故人詩律晚方嚴
中年各要身強健
別後寒衣切記添

鳳凰臺晚眺

經月疎行臺上路
秣陵城郭忽秋風
馬嘶衛霍空營裏
螢起齊梁廢苑中
野寺舊曾開玉帳
翠華久不幸離宮
小儒記得龍興事
閑對山僧說魏公

贈玉龍劉道士

觀中曾訪老黃冠
爾尚為童立醺壇
新染紫衣披得稱
舊泥丹灶出來寒
詩非易作須勤讀
琴亦難精莫

廢彈憶上洪崖題瀑布因游試為拂塵看

晉元帝廟

元帝新祠西郭外
野人吊古獨來游
陰陰畫壁閒冠劍
寂寂絲窠上瑤旒
勢比龍盤猶在眼
事隨鴻去不迴頭
葉碑廊上無人看
欲去摩娑又少留

清涼寺

塔廟當年甲一方
千層金碧萬緇郎
開山佛已成胡鬼
住院僧猶說李王
遺像有塵龕壞壁
斷碑無首立斜陽
惟應駐馬坡頭月
曾見金輿夜納涼

冶城

斷鐵遺鎗不可求
西風古意滿原頭
孫劉數子如春夢
王謝千年有舊塔
不知何代作暮茄
似說昔人悲神州
只在關干北
幾度來時怕上樓

兩華臺

昔日講師何處在
高臺猶以兩華名
有時寶向泥尋得
一片山無草敢生
落日磬殘鄰寺閉
晴天半上廢陵耕
登臨不用深懷古
君看鍾山幾箇爭

新亭

此是晉人遊集處
當時風景與今同
不干鐵環樓船力
似是蒲葵塵枵功
幾簇旌旗秋色裏
百年陵闕淚

痕中興亡畢竟緣何事專罪清談恐未公

魏勝廟

天與精忠不與時堂堂心在路人悲龍顏帝子方推轂猿臂將軍忽死綏灑泣我來瞻畫像斷頭公恥立降旗海州故老彫零盡重見王師定幾時

真州北山

憶昔胡兒入控弦官軍迎戰北山前芟蕭有主安新墓蓑笠無人墾廢田兵散荒營吹戍笛僧從敗屋起茶烟遙憐鍾阜諸峰好閑鎖行宮十九年

故宅

恰則炎災未百年今看枯柳著疎蟬莊田置後頻移主書畫殘來亦賣錢春日有花開廢園歲時無酒滴荒阡朱門從古多如此想見魂歸也愴然

送余子壽

去歲與君同聘召何曾杯酒暫相離兵謀元帥多親訪心事同官盡得知三釜忽懷歸去棹一枰未了着殘棋此生聚散須牢記記上揚州戰艦時

送周監門

一領青衫似敗荷奈君母老秋臯何三年幕府無人薦常日柴門有客過身畔擔輕囊偉少江頭船重載

書多故人若問軍中事為說防秋仗枕戈

稅黃巖趙郎中二首

朱公徙第丘公脩標致雖高氣宇和心向奏篇尤暴白髮因時事欲蒼皤計傳淮甸邊情惜路出蕭山巷祭多最長郎君師友感我知墓碣有人磨

青衫昔作督郵時賞鑒除公更有誰勘微不嫌人守法撰文常對衆稱奇築臺虛辱生前意穿家難酬地下知欲寫哀思傳挽者身今我服不能詩

寄趙昌父

世上久無遺逸禮此翁白首不彈冠一生官職監南嶽四海詩盟主玉山經歲著書人少見有時入郭俗爭看何因照服供薪水得附高名野史間

寄韓仲止

昨仕京華未減脫鞵不問貴游嘆詩家爭欲推盟主丞相差教作散人閉戶自為千載計入山又忍十年貧幾思投劾從公去背笈肩渠澗水濱

戊辰即事

詩人安得有青衫今歲和我百萬緣從此西湖休掃柳刺裁桑樹養吳蠶

晚春

書幌冷冷子夜風杜鵑啼月小牆東江南詞客惜春
老清曉披衣拾墮紅

臨溪寺二首

綠染庭蕪一尺深老師閱世幾駒陰自言不看傳燈
了只讀楞嚴見佛心
一徑松花晚紫苔東風落盡佛前梅道人深遠禪關
坐莫聽鶯聲出定來

即事

自汲新泉養壯丹銀壺滿貯怕春殘畫簷一向東風
惡為掩窓紗護曉寒

孺子祠

孺子祠堂插酒旗游人那解薦江籬白鷗欲下還驚
起曾見陳蕃解榻時

碧波亭

了却文書上馬遊白蘋洲畔有心期斜陽忽到傳觴
處落盡梨花啼子規

豫章溝二首

溝水冷冷草樹香獨穿支徑入垂楊薺花滿地無人
見唯有山蜂度短牆

野店蕭蕭掩竹門岸沙猶記履綦痕東風枉是吹花

急綠盡平蕪都斷魂

題寺壁二首

柏子熏衣眉暈銷女垣榆影冷蕭蕭屏山一枕游仙
夢橫錫飄然過石橋
素練寬裁白社衣補陀烟裏現幽安日長讀徹楞伽
了閑折村花供祖師

西山

絕頂遙知有隱君食芝種木塵為群多應午寢茶烟
起山下看來是白雲

宮詞四首

出海新蟾玉半鉤風翻荷蕩起栖鷗女郎定有穿針
約偷看明河記立秋
涼殿吹笙露滿天木樨花發月初圓君王少御珊瑚
枕多就玉人玉臂眠
一夜秋風入碧梧蟬聲永巷月華孤幾回夢裏羊車
過又是銀床轉轆轤
先帝宮人總道妝遙瞻陵柏淚成行舊思恰似薔薇
水滴在羅衣到死香

秋風

黃葉蕭蕭忽滿街獨騎瘦馬豫章臺莫將宋玉心中

事吹上潘郎鬢畔來

跋小寺舊題

禪几曾陪白氎巾
柑花似雪鬪芳春
而今柑子圓如彈
不見澆花供佛人

憶錫女

靈照羈魂章水西
冷風殘雪古招提
老懷已作空花看
更把楞嚴曉病妻

報恩寺

一林斜陽上繚垣
荒花滿地柏陰繁
城中客子聞鐘鼓
獨立空山聽斷猿

歸至武陽渡

夾岸盲風掃棘花
高城已近被雲遮
過時留取城西塔
蓬底歸人要認家

舟中寄景建

低蓬小雨夢殘時
忽憶同尋楚老祠
夜過豐城占斗氣
想公別後有新詩

書山壁

斷地栽林自起墳
一燈精舍疏元文
詩成莫寫酒家壁
題徧青山題白雲

華嚴寺逢舊蒼頭

曾向叢林寄幅巾
十年塵浣臥雲身
侍琴童子長於竹
去禮山僧作主人

田舍

稚子呼牛女拾薪
萊妻自贍小溪鱗
安知曝背庭中者
不是淵明輩行人

古墓

石麟闕耳荀生苔
要讀豐碑與客來
精舍荒涼僧已出
瓦塢一朵佛桑開

題本草

勤讀方書不為身
里中耆舊半成塵
幾時作箇荒山主
多種黃精售與人

下蜀驛

幄殿荒涼屋欠扶
船輿遺老故應無
舊來曾識高皇帝
尚有庭前柳一株

出郭

江邊一雨洗秋容
北郭東郊野意濃
老大怕他人檢點
隔溪隔柳看芙蓉

病起

病起登樓却晚風
愛他殘雪映前峰
傍人休問何郎瘦
不見梅花過一冬

再贈錢道人二首

拙貌慙君子細看鏡中我自覺神寒直從杜甫編排
起幾箇吟人作大官

尋師入蜀未曾逢要看羅浮曉日紅若見仙人知去
處却未相引到山中

後村先生大全集卷之二

詩

嘉祐己卯春南
歲初以後所作

蒙恩監南嶽廟

久問嫖姚乞退閑今朝準勅放生還人欺鮮羅青油
幕帝遣監臨紫蓋山營卒展辭回玉帳林僧講賀到
柴關大夫不辦封侯事猶要名標處士間

烏石山

兒時逃學頻來此一重尋盡有蹤因澆戲魚群下
水緣敲響石聞登峰熟知舊事惟鄰叟催去韶華是
暮鐘畢竟世間何物壽寺前雷仆百年松

草居

兵火間關髮欲然歸來聊卜草堂基
留手澤書堪看爨有躬耕米可收
畏濕先開通水竇貪明稍斫近
簷枝旋移梅樹臨窓下準備花時要索詩

挽郭處士

昔聞東郭先生者處士字非是遠孫空有新詩喧一
邑竟無明詔老孤村雷琴酷愛應同殉草宇尤工惜
不存後說歸從慈嶺去驛成何路可招魂

老將

昨解兵符歸故里耳聽邊事幾番新
偶逢戲下來猶

後村先生大全集卷之一

識欲說遼陽記不真兒覓寶刀偏愛惜奴吹蘆管輒
悲辛夜寒忽作關山夢萬一君王起舊人

老馬

脊瘡蹄蹇瘦闌干火印午深字已漫野礪有水朝洗
怯破坊無壁夜嘶寒身同退卒支殘料眼見新駒被
寶鞍皆走塞垣如林電安知末路出門難

老妓

籍中歌舞昔馳聲憔悴猶存態與情愛說舊官當日
寵偏呼狎客小時名薄鬟易脫梳難就半破常空睡
不成却羨鄰姬門戶熱隔樓張燭到天明

挽趙仲白二首

生被才名謾摧殘到死休家留遺藁在棺問故人求
對月悲孤詠逢山憶共游昔年攜手地今送入松楸
昨吊寢門外葉妻泣最悲因言兒上學復為墓求碑
零落燒丹訣淒涼哭鶴詩託孤朋友事非謂九泉知

贈風水僧

向人說藝入談空郭璞瞿曇併入宗背得山經如誦
呪頂將禪笠去尋龍偏為檀越哉生墳預定公侯出
某峰想亦自營歸寂處一邱卯塔種青松

挽鄭夫人二首 李尚書母

九秩復何憾生榮沒更哀閨門天下則地位佛中來
貝葉從頭看庭槐一手栽侍兒聞曉磬猶恐坐禪迴
昔事征西幕年年拜壽闈那知丹旌至曾勸板輿歸
元帥拋金印諸生返布衣感恩惟有淚來向路傍揮

除夕

除夕陰寒怕捲簾雨聲斷續下疎簷壁穿自和乾泥
補慙損教尋廢紙粘祇有青燈相守定縱無白髮亦
生添更殘自算明年事不就君平卦肆占

挽鄭淑人 李尚書內

憶在軍中為記室謝公門館事皆知譙年若婦初嬪
日儉素猶夫未貴時病了死生惟點首晚憂家國每
顰眉舊人猶有任安在攬涕西風獻些詞

悼阿昇

寶惜吾兒如拱壁那知變滅只須臾畏啼尚宿通宵
火塗顛猶殘隔日朱坐客相寬云夢幻故人來吊訝
清灋荒小歲晚無行迹心折原頭樹影孤

送真舍人帥江西八首

諫書元不為求名上有穹蒼鑒至誠索虜傳觀皆動
色豈知難悟漢公卿

聞道泉人截輜留翰林從此去吾州村中父老相持